

JDF 248



## Taropween Awewe usun Small Claims

### 1. Kapasen Awewe

- Small Claims case ina faniten ekewe case ir \$7,500 auchear ika kis seni usun ren angeisefanin moni ika pisek, apwonuetaan ika likitalon echo taropwen etipeu, are an eman alleasochis fan tipemecheres och pwon mi aukuk.
- Mi chok mut ngonuk 2 Small Claims iteitan maram, me sap lap seni 18 iteitan ier lon en me an county.
- Ewe legal rate of interest epwe 8% kapachfengen iteitan ier.
- Atoura me lon ewe county ian ewe [Chon Polu](#) mi nonom ika angang lon me ie, are ian ewe pisek a nonom me ie.
- Meinisin ekewe Small Claims case ra fis me mwen eman Soukapwung nge esor eu jury (eu kumiin aramas mi pwungupwung fengen).
- Ika ka win lon kapwung, pwisin wisom om kopwe angei mine mi pwungulo pwe kopwe angei ika winom. Esap ina wisen Ewe Court le angei fan itom.
- Ewe alluk mi emmwени ei kokkot ina ewe Colorado Revised Statute (C.R.S.) section (§) 13-6-403 me ewe Colorado Rules of Procedure for Small Claims (Rules 501 – 521).

#### Mine mi pwan Kapachelong lon ei Taropween Emmwen:

2. [Eu-Me-Eu Met Kopwe Fori](#) Pg. 2
3. [Moon](#) Pg. 7
4. [Meinisin Taropwe](#) Pg. 7
5. [Pworousen ADA](#) Pg. 7
6. [Emwen lon Pekin Alluk](#) Pg. 8
7. [Aweweens Kapas](#) Pg. 8

## 2. Eu-Me-Eu Met Kopwe Fori

Nampa 1 – Poputaani ewe Case ika Lawsuit (Chon Etipisi)

- a) Unusen amasoua ewe taropween poputa:

JDF 250 –Notice, Claims, and Summons.

**Nengeni:** Kosap apacha pisekin annet ren ei taropwe.

- b) Uwei ewe taropwe ngeni ewe courthouse le atoura.

- c) Monatiw moon om atoura. Ppii Moon ren pworous mi tichik.

- d) Ewe chon angang epwe amasoua ewe ranin trial lon ewe atun ka atoura.

Nampa 2 – Esina ngeni ewe Chon Polu (Chon Etipisi)

Ita kopwe esina ngeni ewe(ekewe) Chon Polu mwaren 15 ran me mwen ewe Ranin Kapwung. A wor ruu alen om esina:

### Esinesin fiti Sufol | Chon Aninis Epwe Uwei Fan Itom

Fang ewe taropwe ngeni eman process server (chon aninis).

- Ita eman epwe uwei fan sufol ekewe taropwe ngeni eman me eman Chon Polu.
- Mi lamot pwe en kosap pwisin fori.
- Kori ika mak ngeni ewe ofesin Sheriff lon ewe county ia ewe Chon Polu mi nonom ika angang me ie. Are,
- Kamo an eman process server mi silefichi an angangen aninis epwe alisuk.

Ewe process server i mi wisen amasoua ewe Return of Service kinikin won ewe taropwe.

Atoura ewe Return of Service me ewe court.

**Posto mi Certified me eman Clerk (chon angangen Lenien Kapwung)**

**Nengeni:** Ese och ei alen esinesin seni ewe ewin me epwe mang.

Eisini ewe clerk le ereni ewe **Chon Polu** ren posto mi certified:

- Epwe wisom le mooni moon posto mi certified atun om atoura.
- Ika ese fisioch, ita kopwe fili ewe ewin alen esina me kutta eman chon aninis epwe uwei fan item.

Pworousen Wato Ngeni eu Business ika Government Agency

### **Ngeni eu Business**

Ika ewe **Chon Polu** ina eu business, tota won [www.sos.state.co.us](http://www.sos.state.co.us)

- a) Tiki ewe business kinikin le ppii ika ion ewe registered agent ika ewe mi wisen tupuni ewe business. Ita kopwe uwei ekewe taropwe ngeni emanewe.
- b) Mi lamot om kopwe affata ika ifa usun ewe **Chon Polu** aakkota an business. Awewe chok, ika eman chok mi tupuni me tumunu ewe business, mi watte me a chommong ar lenien business, are pwan och. Rule 304 lon ewe Colorado Rules of County Court Civil Procedure mi awewe me affata alen uwei taropwe lon ewe napanap mi fich mi longolong won met sokkun business me ei pworous epwe anisi ewe eman mi sile allukun uwei atun epwe wisen uwei JDF 250.

### **Ngeni eu Government Agency**

Neman epwe tingor sonuk om kopwe maketiw me atoura echo taropwen esinesin me ewe Attorney General ika pwan eman chon tupuni mwu, me mwen om atoura om case me ewe Court, alon C.R.S. § 24-10- 109.

Nampa 3 – Polueni

(Chon Polu)

- a) Amasoua ewe kinikin **Polu/Response** (Kinikin 2 / Pekin taropwe 3) lon JDF 250 me ewe trial date ika me mwen.
- b) Monatiw liwinin om atoura. Ppii **Moon** ren pworous mi tichik.

## Nampa 4 – Mediation

(Ir me Ru)

Mediation eli ina ewe al mi fich pwe oupwe atawe ami tipeufesen.

Weween mediation, a wor eman mi kewis an esap pekini eu pekin epwe angang fengen me ekewe aramas lon eu napanap mi esufol me ese pwal pwa ngeni aramas meinisin me epwe anisir me rueman le pworous fengen me kutta met ra tipeu won.

Kor ika mak ngeni ewe Ofesin Dispute Resolution le schedule ika apply le angei mediation mi mokis.

 [www.coloradoodr.org](http://www.coloradoodr.org)

## Nampa 5 – Mwiriloon Mediation

(Ir me Ru)

a) Ika ir me ru mi tipeufengen won och, atoura ei taropwe:

JDF 75 – Stipulation.

**Nengeni:** A lamot pwe ir me ru repwe sain ena taropwe.

b) Ika esor tipeufengn, amolnata fan iten ewe ranin kapwung.

## Nampa 6 – Molneta ngeni Ranin Kapwung

(Ir me Ru)

Amolnata ekewe pworous mi lamot ngeni om case pwe mi ffat pworousom ngeni ewe Soukapwung.

### **Amolnata Om Pisekin Annet**

a) Menlapei Pworousom

Menlapei mettoch mi kii ngeni om case ka mojen pwarelo. Epwe lamot om kopwe pwan mirititi ika meni taropwe mi anisata pworousom me io(kewe) mi tongeni pwan anisata om case me pworousom.

b) Filata pisekin ika taropwen annet mi lamot ngeni om case. Affata ika ir met, ik mi or lap seni eu pisekin annet. Meinisin epwe torotoroch

me kokkotoch. Awewe chok sassing, charts, me receipts (taropwen annet usun kamoon och mettoch).

- c) Fori kapiin om kewe pisekin annet. Fori kapi fan iten ewe Lenien Kapwung, me pwan fan iten ewe(ekewe) Chon Polu.

Ika ewe Lenien Kapwung mi fori kapi fan itom, kopwe pwisin kamo.

- d) Amolnata fan iten Chon Pwaraata

Filata ika mi lamot ngeni om case chon pwaraata.

Ka tongeni tingorei ar fiti ewe ranin kapwung fan mojenin letiper, are eli epwe lamot om tingorei an ewe Lenien Kapwung tinaalo echo subpoena ika taropween alluk pwe ita repwe wisen chon pwataata me fiti ewe Ranin Kapwung.

Eniwili “[JDF 79 - Instructions for Issuing a Subpoena](#)” ren pwan och pworous usun taropween subpoena.

## Nampa 7 – Mwiriloon ewe Ranin Kapwung

(Ir me Ru)

- a) Ewe Soukapwung epwe awora apwung won ewe case, io mi win, me ukukun winan me ren kapwung. Epwe pwan tongeni alluku pwe chon win repwe mooni moon och mettoch (moon atoura, moon angangen ekewe chon angang lon lenien kapwung mi aninia ren ewe case, me moon chon pwaraata ika mi wor).
- b) Pwisin wisen ewe mi win lon ewe case an epwe angei mine mi pwungulo pwe winan. **Ewe Lenien Kapwung ese tongeni angei fan itom.**
- c) Ewe Lenien Kapwung a tongeni awora ngeni ewe mi sopwongaw lon ewe case echo taropween Motion & Order for Interrogatories, Form 252 A or B.

Interrogatories weween fitu kapas eis mi fich mi makketiw ita ewe eman mi sopwongaw lon ewe case epwe poluwenir.

d) Eniwili “JDF 82 – Guide to Collecting a Judgment” ren pwan och  
pworous usun and eman angei och liwinimang.

### 3. Moon

Moon Atoura

Mi longolong won ukukun ewe claim:

Ukukun ewe Claim	Complaint	Polu	Polu & Counterclaim
\$500 are kisseni	\$31	\$26	\$31
Lap seni \$500	\$55	\$41	\$46

Moon Kapi

\$0.25 echo me echo pekin taropwe.

Ren Om Tingorei Fee Waiver (weween omusalon moon):

- JDF 205 - Motion to Waive Fees.
- JDF 206 - Order. (Amasoua chok ewe case.caption.)

Ika ka fen angei sokopaten aninis seni ewe mwu, ese mwaal kopwe mwittir ketiw le angei eu fee waiver. Iwe amasoua:

- JDF 209 – Notice of Fee Waiver.

### 4. Taropwe Meinisin

[www.courts.state.co.us/Forms](http://www.courts.state.co.us/Forms)

JDF 250 SC – Small Claims Notice, Claim and Summons.

As Needed Forms:

- JDF 75 - Stipulation.
- JDF 76 – General Motion
- JDF 81 – General Response
- JDF 254 - Subpoena.

### 5. Pworousen ADA

Ren om angei aninis mi fich ngonuk fan ewe Americans with Disabilities act (An Chon Merika mi or Terrir Allukun Aninis) kori ika mak ngeni emanewe lon om lenien kapwung mi wisen akkota ADA.

## **6. Meinisin Taropwe**

Ekkei pworousen awewe mi mak fan iten sile me kae chok. Esap ei echo taropween emwen lon pekin alluk. Ika ka filata le tupuni pwisin en, ita kopwe fokkun fitipacheiti ekewe alluk me kokkot ekewe sousile alluk ra fiti. Ika kese weweiti ekkei pworous, kese mojen kopwe kori eman sousile alluk (lawyer).

## **7. Aweween Kapas**

<b>Case Caption</b>	Ekewe pwoor le asan ewe taropwe. Pworous lon ina addressin ewe Lenien Kapwung, iten ekewe aramas mi fiti ewe case, neun ewe mi atoura nampan fon me email, me ewe nampan case.
<b>Chon Polu</b>	Emanewe mi polueni ewe case.
<b>Chon Etipisi</b>	Emanewe mi atoura ewe case.
<b>Process Server</b>	Eman (esap en) mi uwei ekewe taropween court. Ei kokkot a esina ngeni eman pwe mi fiti eu case officially me a awewe met a lamot epwe fori.
<b>Polu</b>	Weween ekewe taropwe ewe Chon Polu epwe neuneu le polu me affata ika mi pwung are mi mwaal met ewe eman a etipisi i ren.
<b>Summons</b>	Echo taropwe mi atour seni ewe Lenien Kapwung, are eman licensed attorney, mi esina ngeni ewe Chon Polu ineet epwe fis ewe rongorong me met epwe fori le sopwelo lon ewe case.